



異魚圖贊引

有西州畫史錄南朝異魚圖將補繪之予閱其名多踏錯文不雅馴乃取萬震沈懷遠之物志效郭璞張駿之贊體或述其成製或演以新文其辭質而不文明而不晦簡而易畫韻而易諷句中足徵言表即見不必張之粉繪幪之韞彩矣異鄉素居枕疾罕營為之猶賢聊以永日

魚圖三卷贊八十六首異魚八十七種

附以螺貝蜃蚌海錯爲第四卷贊三十首
海物三十五種

總之凡一百二十二種

嘉靖甲辰十一月望日升菴楊慎書

刻異魚圖讚題辭



者周公教成王讀爾雅而孔子訓門人學
詩尔曰多識於鳥獸草木之名然則博物
洽聞固聖哲所不廢已用脩書破萬卷
學擅五車乃以其緒搜剔異聞旁采稗史
撰為異魚圖讚時出新裁襍以古語窮極
於蚌貝蜃螺細極於鯤鯢跳鯁竭江羅海
括恠囊奇玉屑霏香雅致可誦此尔爾雅

之注脚矣昔張司空博物而百歲老狐千
年華表莫逆精鑑懼而夜泣温嶠難犀而
水府畢獻其狀用脩此讚母乃令海藏鮫
人散落珠璣江淮水族朝宗學海耶是書
向未鏤板眩從友人朱汝脩氏得鈔本錄之
藏為帳中之秘蓋十載於茲矣滇雲萬里
負笈為難巾笥偶携聊充枵腹
直指周公見而嘉之曰子思論道始於夫婦

知能終於鳶飛魚躍而莊子知濠上之儵魚
謂性天之相契用脩所著母乃非道機乎若
子茂對天地樂育群生欲使昆蟲草木並
暢鳥獸魚鼈咸若其可以細故忽諸詩紀牧
人乃夢而稽諸大人之占曰衆維魚矣實維
豐年魚鱗族也而夢占若此則周宣中興
之盛可想見矣是用付之剞劂以廣
直指公對育之化用徵大人之占刻成於

異魚圖贊卷一
萬曆戊申之且月而提學道僉事范光臨
謹識歲月於左

異魚圖贊卷一

總贊

魚之爲字燕尾相似水蟲之中實繁厥類鱗鬣
風濤抑龍之次百種千名研桑莫記圖贊所取
亦祗以異

鯤

鯤本魚子細如蠶茸莊周寓言鯤化為鵬譬彼
詩頌雕育桃蟲千古言詮誰發其矇○

莊子云
北溟有



魚其名為鯢鯢之大不知其幾萬里此寓言也
按內則卯醬卯音鯢國語亦云魚禁鯢鮪皆以
鯢為魚子至小之物也莊子乃以至小為至大
便是滑稽之開端後人不得其意晉江道詩曰
巨鰲戴蓬萊大鯢運天池倏忽雲雨興俯仰三
洲移孫放詩巨細同一馬物化無常歸修鯢解
長鱗鵬起扇雲飛撫翼搏積風仰凌垂天翬皆
不得其言詮也雖郭象之玄奧沉思亦誤况司
馬彪輩乎後世禪宗衲子却得其意故有龜毛
兔角石女懷胎一口吸盡西江水新羅日午打
三更之偈亦可信以為實事耶余嘗謂天地乃
一大戲場堯舜為古今大淨千載而下不得其
解皆矮人觀場也○元儒南充
范無隱有是說而余推行之

魴鯉

伊洛魴鯉天下最美伊洛鯉魴貴于牛羊洛口

黃魚天下不如

河洛記引諺

赤鯉

務光憤世自投盧川盧川水伯赤鯉送旃易名

琴高化形而仙至今揚光清冷之淵

事見符子畫圖有水

仙騎赤鯉者即其人也

嘉魚

南有嘉魚出於丙穴黃河味魚嘉味相頡最宜

為鮠鬲以蕉葉不爾脂腴將滴火滅事見水經蜀都賦任

蒲魚

蜀有蒲魚其形如粥出于郫縣蒲村之麓

魏武帝四

時食制。杜詩魚知丙穴由來美酒憶郫筒不用沽注引沔南丙穴沔南去郫千里不應遠取蓋卽此魚也其魚亦出于穴

八魚異性色

鯉偃鯉俯鱧圓魴方鱖青鱓赤鰻白鱠黃

陸農師

鱖魚

清檢出佳鱖濁檢出好鮓美珍於常味取以二

月初水經注清檢濁檢俱在陽平關

鮓

洞庭之鮓出于江漫弘腴青顛朱尾碧鱗

劉邵七華

節文。岷即岷字又作汶

鱖

緡調餌芳可獲鱖魚網魚得鱖不如噉茹或名

曰鱮其性慵如說苑子賤語又古諺云云

鱮

鞏洛之鱮割以為鮓分芒枿縷細亂鱗足張平子七

問節文

鯽魚

滇池鯽魚冬月可薦中含腹白號水母線北客

乍餐以為麩纜樊綽。南夷志蒙舍地有鯽魚大者重五斤西洱河及滇池冬

月多鯽魚

鯨魚

浮玉之山北望具區茗水出焉中多鯨魚胡蝶

所化列夔長須嶺表錄異嘗有人浮南海泊於孤岸忽有一物如蒲帆飛過海

將近舟舟人競以物擊之如帆者盡碎墜舟上

視之乃缺蝶也去其翅足秤之得肉八十斤取

鱸魚

鱸魚肉白如雪不腥東南佳味四腮獨稱金蒼

玉膾擅美寧馨

異魚圖贊
鱣魚

鱣魚逆流不過鎖江

在敘州

灘崩秭歸

癸卯年事

又隔

巫陽魚官空設玉板不嘗

黃魚名玉板

洄魚

河豚藥人時魚多骨無此二美而無兩毒粉紅

雪白洄美堪錄西施乳渾水羊胛熟

洄魚一名水底羊

時魚

時魚似魴厥味肥嫩品高江東價百鱸鮪界江

而西謂之瘟魚棄而不餌

鱣魚

鱣魚偃額兩目上陳頭大尾小身滑無鱗或名

曰鮎粘滑是因

爾雅翼

鱣魚

鱣形如帆與便面同厥足二六雌常負雄漁人取之必得其雙子如麻子南醬是供

鮎鮎

魚有鮫鰭一頭數尾有脚如蠶食之肥美

郎君子鮫

郎君子鮫雄雌相雜置之醋盂逡巡便合下卵

如粟頃刻廿卅善治產難誕生如達

本草名郎君子元文

類作郎君子鮫

鯤音題

魚有名鯨

匹妙切

亦號為鯨化而為人曾謁仲尼

鬣戟鱗甲由也仆之陳蔡之厄天濟聖饑

衝波傳

鱮魚

潛有鱮魚飛有鱮鳥同是一物互為形表鳥藏

魚出變化莫曉

鱣魚

鱣似蜥蜴一卵百子或如白虺或成蒼兕喙餘

三尺長尾利齒岸掉渴虎人肉為肺造化至仁

胡乃育此

又

南海有魚其名為鱣其身已朽其齒三作李淳風物類相感志

鯨

魚有鯨鯨或名江豚欲風則涌恒隨浪翻

又

鯨鯨之魚出淮及五湖黃肥不可食大如百斤

猪數枚相隨沉浮自如魏武帝四時食制

魚舅

嘉州魚舅載新厥名鱗鱗迎媵夫豈其甥其文

實鱗江圖可徵說文鱗一名當互

弓魚

西洱弓魚三寸其脩誰書以公音是字謬又晒

多子亦孔之羞弓魚見魚譜今誤作公○滇中俗諺既誤

有子遂綴為謔語云大理公魚皆有子雲南和尚豈無兒

鰭兒

鰭兒極眇僅若針鈎盈咫萬尾一筋千頭漁師

取之不以網收來如陣雲壓幾沉舟名曰跳鯪
厥義可求

異魚圖贊卷二

鮫魚

吞舟之魚其名曰鮫背腹有刺如三角菱罟師

畏之網羅莫膺

臨海水
土志

勁鰈

南越勁鰈揚鬚排流洞腹養子朝泳暮游臍入
口出貯水若抽鱗皮碎駁可飾蒯緱

石首魚

石首之魚有石在頭瑩白如玉可植酒籌

石首魚一

名鱖見江賦

石首化鳧

南有魚鳧國古蜀帝所都婁縣石首魚至秋化

為鳧魚鳧之名義泝此可求諸

張勃吳錄

比目魚

東海比目不比不行兩片得立合體相生狀如

鞋屨鰈寔其名

王餘

王餘孤遊比目雙逝水既有之陸亦相儷單鵙

匹鷺性亦相似

易林鷺必匹飛鵙必單栖

鰈魚

鰈實四足而有魚名頭尾類鯢岐岐而行長生

山澗出入沉浮云是懶婦怨對自投

異物志舊贊

鰓鰓魚

鰓翻十運一翼翺翻厥鳴如鵲鱗在羽端

郭璞鰓鰓

魚贊

文魷

形如覆鉢包玉含珠有而不積泄以尾問閻與

道會可謂奇魚

郭璞駕紫贊

又

海經駕紫江賦文魷孕璆音磬鳥首魚尾出鳥

鼠穴禹貢攸紀

飛魚

飛魚身圓長丈餘登雲游波形如鮒翼如胡蟬

翔泳俱仙人甯封曾餌諸著藻灼爍千載舒

衍王

子年七言頌

王鮪

王鮪岫居科斗其面性最有毒獺所不噉人饒

食之肥美盈噉

丹魚

丹水丹魚出于南陽以夜伺之浮水有光夏至

十日其期不爽取血塗足水上可行抱朴子

鮫魚音陷

海有鮫魚衆魚蓐母魚欲生卵觸腹以首蛇醫
鴈奴物性固有

望魚又名刀魚

明都滄澤望魚之沼形側如刀可以刈草魏武帝四

時食制

鮫又名魚虎

天淵魚虎老化爲鮫其皮朱文可飾弓刀

又

鮫之爲魚其子旣育驚必歸母還入其腹小則

如之大則不復楊孚交州異物志舊贊

龍魚

龍魚一角似鯉居陵候時而出神聖攸乘飛鶩

九域騎龍上升文選龍鯉一角卽此也

又

龍魚之川在汧之瑛河圖授羲寔此出焉神行
九野如馬行天

烏魚

烏魚戴星禁在仙經鮠鮓鯉蠶紛其別稱其膽
獨其以是為徵

瓊魚

仙人上藥劉淵瓊魚昔西王母漢武受圖銀刀
尾尾今乃其餘衍漢武內傳

石桂魚

石桂之魚天仙所餌猶有桂名鰕借音爾流水

桃花真隱詠美

鰕魚即石桂魚又名桂魚仙人
劉憑所食即此也唐張志和詩

桃花流水
鰕魚肥

橫公魚

北荒石湖有橫公魚化而為人刺之不殊煮之

不死游鑊育育烏梅廿七煮之乃熟

約神異經
玄黃錄

魚豢魏畧云文帝將受禪赤魚游于露鑊
乃此魚也其性自然乃矯誣以為瑞應

異魚圖贊卷三

髮魚

髮魚帶髮形如婦人出于滇池肥白無鱗

魏武帝四

時食制

琵琶

海魚無鱗形類琵琶一名樂魚其鳴亦嘉聞音

出聽曾識瓠巴

沈懷遠南物志

含光魚

含光之魚臨海郡育南人鬻炙雖美而毒煎燂
已乾耀夜如燭沈懷遠

鰕魚

鰕魚長尺大如竹竿爆之為燭光明有爛脊骨
又美可作羹餐臨海水志

婢徒奴僑

魚有婢徒亦有奴僑其名雙偶其形兩肖味皆
堪噉出臨海嶠

石斑魚

石斑螭蟲虎文形蚪鯉蟹為牡水邊呼引石斑
即走上岸合牝其性既惡羹不可飲

戴星魚

戴星之魚背有星文點點玃爍因之名云

鱸魚

鱸魚兩肋大肉堪鬻焦之粳米其骨亦軟號狗
磕睡謂無餘術

鰈魚

又作鰈

鰈魚之味其美在額古嗙有之價鬻世宅鱸腮

沙刺黃骨鱠脊南京所珍百倍秦炙○

古諺云寧去屨

世宅不去鰈魚額。鱸魚之美在腮沙魚之美在刺。南中八郡志黃魚形似鱸骨如葱可食郭義恭廣志云捷為都棘道縣出臙骨黃魚。鱠魚只有一脊骨治之以薑葱魚之以粳米其骨亦軟食之無餘俗號狗磕睡魚

鰥魚

樊笥在梁其魚惟鰥其大盈車餌以豚豚鰥死

以餌士死以貪

子思子曰鰥貪以餌死士貪以祿死

何羅魚

何羅之魚一身十首化而為鳥其名休舊竊糈

于春傷墮在日夜飛曳音聞春疾走

鰕魚

周成王時揚州獻鰕其皮有文出樂浪東漢神

衆初捕輸考工

鮐魚

東方有魚其形如鯉其名為鯨六足烏尾鱗為
之母胎育厥子

鮑鮓鱸鮓鱸

樂浪潘國魚之淵府異哉鮑魚鮓有兩乳鮓鱸
鮓鱸各以類聚漢獻大官叔重是取

五魚皆出
樂浪潘國

并見
說文

鮓魚

魚之美者東海之鮓伊尹說湯水羣首茲徒聞

其名而形未窺

鰻魚

遼東涓水鰻狀如鰕無足長寸形如股义茲雖
微蟲其味特佳

烏鰂魚

烏鰂八足集足在口縮喙在腹形類鞋囊其名

烏鰂吸波瀾墨迷射水慝

萬振海物
異名記

魚有烏賊狀如箕囊骨間有鬚兩帶極長含水

異魚圖贊
嘑墨欲盖反章

鳥則之魚鵓

又作鴨鴨鵓也今俗名山呼

鳥所變海若小史

懷墨帶笑須與其足皆在眼畔風波稍急粘石

為纜章舉石距同狀異面食品所珍圖書悉絢

呂氏春秋注引古月令曰九月寒鳥入水化為鳥則魚之入月令七十二候者惟鳥則爾○天

台智顛禪師請禁海際捕魚滬陳宣帝勅荅曰此江既無鳥則珍味宜依所請觀此鳥則之味

為食品之珍尚矣○章舉石距鳥則之別種見日華子○今山東登萊有之名八帶魚

鰻鱺

海鰻江鱺善攻岸碕又善升木水居畏之既愈

人痾復裨牛肥驅蟲如掃茲功亦奇

青魚

江有青魚其色正青泔以為鮓曰五侯鯖枕如

琥珀可以籠燈亦為冠开以取麗婷

魚鮓即青魚枕骨也

可為燈罩又作女冠

鰓魚

黃帛其鰓石鼓攸鐫查頭縮項味珍襄川詞林

藻詠名播錦綫

鮒即鮪

竹頭鯨魚

張揖廣雅櫛竹頭鯨滇池所饒亦名竹丁魚以
為鮠案酒薦馨

鱈魚

鱈惟妾魚厥形如瓜亦名為鮠同彼狹邪淫蟲
相邇其味苦嘉

說文魚部凡一百三始鱠終鮠

鯀魚

鯀魚味爽可非朝醒左晉虞郎獻于帝庭其方
俱在食經可徵

沙魚

沙魚二族胡沙白沙譽肖鮫魚其實稍差功入
金匱名易日華

鱣魚

即鱣也

土龍之屬苻莖苓根化而為鱣黃白異疊

枹朴子曰

苻莖苓根土龍之屬化而為鱣
鱣有黃白二種白鱣出交趾

吳魚圖贊
蘆鯨

蘆鯨之魚產蘆陵南俗以為醬海氓所其鯨音胞

鱮魚又作鱮

吳楚鱮魚其文如芻薦以上春美而多刺

鱮魚

鱮一名鯨喙銳大腹長齒羅生上下相覆音混

於鱮而不同物鱮又作鮓

海鮓鮓同

魚之最巨曰海鮓爾舟行逢之不知幾里七日

逢頭九日逢尾產子仲春赤徧海水

鯨字一作鱣又作鮓

海有魚王是名為鯨噴沫雨注鼓浪雷驚目作

明月精為彗星淮南子鯨魚死而彗星出

東海大魚鯨鯢之屬大則如山其次如屋時死

岸上身長丈六膏流九頃骨充棟木明月之珠

乃是其目魏武帝四時食制

嗟海大魚蕩而失水螻蟻制之橫岸以死輜重
君海不可以徒策士之談譬其有理
說苑

異魚圖贊卷四

螺貝蜃蚌
海錯附

鼉麈
音迷
麻

鼉麈海鮠名曰匿鼉形大如麈出自沙噀一枚

剖之有三斛膏

說文名匿鼉江賦名鼉麈臨
海水志曰海鮠實一物也

鼉鼈

鼉鼈龜頭鼈身蝦尾斑似玳瑁漫無甲指蹕飾
弓軸緗帙增美

海月

海物正圓名曰海月指如搔頭有緣無骨海賦
江圖藻詠互發

海鏡

海鏡殼圓中甚瑩膩腹有小蟹朝出暮至或生
剖之蟹子跂跂逡巡亦斃

又

海鏡蟹為腹水母蝦為目虛有咸受羨補不足
人固有之無惑乎物

陵龍

陵龍之體黃身四足形短尾長有鱗無角南越

海人嘉羞見逐

臨海水土志本贊

山螭

嶺表螭螭是曰山龜人立其背可負而馳木楔
其肉聲吼如牛巧匠琢之以為梳篦

水螭

說文螭以首鳴其音如鼓洛神賦所云馮夷鳴鼓是也

鱗惟水龜浯陵是育其緣中文其甲堪卜馮夷

所命切和靈曲 漢郊祀歌馮夷切和注馮夷水神命靈鱗也

海蛤

海蛤魁陸瓦瓏鑛殼外眉內渠形摯渾朴 萬震南州

志贊。注眉高為眉渠疏為渠

江瑤柱

江瑤柱 句厥甲美音裕 肉柱膚寸名江瑤柱 萬震

此贊太古

又

今之馬甲柱古曰玉珧厥名之珧海圖所標昔人賞之謂美無涯取類南果以配荔枝

紫絃

蘭陵紫絃江淹紫蘿是惟蚌類發華應春珠瑕

錦蛤玉盤同珎 荀子東海有紫絃即石切也江淹石蚌賦又名紫蘿江賦石蚌

應節而揚葩謝朓詩紫蘿擘春流王維詩去問珠官俗來經石蚌春或曰即石决明又名龜脚

石决明

鮫 步角似蛤句無鱗有殼一面附石音錯 細孔

雜雜或七或八

入藥品者以七孔八孔為佳九孔十孔不堪用也。郭璞爾雅

贊。此贊尤奇

東海夫人 淡菜

東海夫人淡菜有殼形雖不典而益惟箔求以象類堪為一噓

海牛

海牛魚皮潮信可卜潮至毛張潮退則伏刻像押簾招風斯速

大蟹

女丑大蟹其廣千里舉螯為山身故在水海陽

專車曷云其比

女丑見山海經海陽見王會

彭蠡

爾雅彭蠡玄經郭索均為蟹謚蠡訛以越梁王醢化茲乃臆說

沙狗

蟹有沙狗亦似彭蠡穿沙為穴見人則蟄曲徑

易道了不可得

擁劔

蟹有擁劔一螯偏大隨潮退殼隨退復裏力能
閉虎利甚戟剉

招潮

蟹有招潮溯月而翹背向不失與潮相招蟲物
有知云誰之教

倚望

蟹有倚望常起顧睨東西其形兩翹八肢望常
如此入穴乃止

石蛭 蜂江 蘆虎

蟹有石蛭蜂江蘆虎石殼鉄卵不中鼎俎好事

取之充畫圖譜

蜂江又作蛭
江蛭音流

車螯

海物惟錯車螯蠣蚌眉目內缺鑛殼外緘瓦礫
何異庖厨是堪

異魚圖贊
鱈房

房讀作阿房
之房音傍

海曲鱈房或名鱉山眉渠磊砢牡牝異斑肉曰

鱈黃醢味海蠻

南州志
舊贊

蚌子

蚌為蚌屬文似瓦屋殼中有肉紫色滿腹縱橫

其理伍味具足

盛弘之
荊州記

貝

夏玄周錦貨貝以市研螺暈紙光我髦士厥有

神功消霧寧水豈特把玩止娛童子

鹽鉄論夏
后氏以玄

貝詩曰成是貝錦貝文如
錦也餘見嚴助相貝經

蚌

蚌為鵲詠今日不出明日不出必有死鵲鵲為

蚌語今日不雨明日不雨必有蚌脯兩國相爭

不亡則傾兩士相鬪兵仗其後不閉不爭鵲蚌

兩生

衍春秋
後語

螺

香螺文賤錦蛤珠龜視雷開閉與月盛衰明璣

無脛走于天涯

淮南子曰蛤蚌珠龜與月盛衰左思賦曰蛤蚌珠胎與月虧全

呂覽日月望則蚌蛤實月晦則蚌蛤虛又淮南子明月之珠出于蠃蚌

蜃

蜃乃雉化氣成樓臺摩殼以耨始于姬邵農耨

从辰文有自來

篆書農耨皆从辰以古者摩蜃而耨也

蠹

蠹式玉度蚌象寶爻螺書蠹籀篆削蟲凋取類

斯大稱名則猶何傷磊落無損賢毫

蠹蚌之狹而長者見

周禮。易離為螺寶爻見京房易傳。唐崔融贊神禹岫嶠碑云龍畫傍分螺書匾刻。徐楚

金言篆法貴蠹匾蠹音果其字从虫从駢當作蠹隸變作蠹今訛作蠹見湘山野錄猶見史記

敘傳

異魚圖贊跋

予作異魚圖贊間出以示好事者或獻疑曰爾雅注蟲魚定非磊落人子不見韓子之詩乎予曰韓子有為言之也跡其焚膏繼晷之際口吟手披之餘遇蟲名魚字將刪之乎老子云美言不信而五千之言未嘗不美莊子欲絕學而莊子何嘗不學蘇子謂人生識字憂患始其欲人盡不識字乎如此之類古人善戲謔自揆擊之

一機也雖然不可以訓若孔子則豈其然教小子以學詩終于多識則蟲魚固在其中矣孔子豈非磊落人哉近之不悅學者徃徃拾古人善謔之言以為不肖護躬之符可笑且悼充類其說則伏獵弄麋之侍郎長鎗大劍之將軍一一皆磊落人也夫



